

福建府縣志輯

中國地方志集成

民國霞浦縣志
康熙壽寧縣志
光緒福安縣志

中國地方志集成

福建府縣志輯⁽¹³⁾

民國霞浦縣志

康熙壽寧縣志

光緒福安縣志

上海書店 ● 巴蜀書社 ● 江蘇古籍出版社

序

縣之有志猶家之有譜國之有史天下之有圖籍也典義最重
溫麻舊地晉太康中因以名邑自是或爲縣或爲州或爲郡或爲縣民
國復爲縣代有沿革縣志附載於縣志未有專書清道光間邑
進士游曼堂與諸先輩議纂縣志以補其缺甫從事編輯又以出宰
山西而未果自是無過而問者讀文軼事一徵諸府志願府志修於
乾隆壬午距民國五年已百五十餘載歷世既遠缺畧甚矣前邑令
羅公汝澤奉令修志業已分區採訪設局編纂迄今將十年矣未竟
厥續乙丑余承乏霞浦奉文催繼而志稿無一就緒因與郡人士商
權分門修輯幸在局諸職事暇勉勵襄凡七閱月而志稿歲餘又問
序於予予惟霞浦一邑自唐文物衣冠傳於上國宋以後國志多佚
不存存者惟萬歷州志乾隆府志而已至於縣志則從來未見語云

霞浦縣志

序

因者易爲功粗者難爲力霞浦縣志雖因而實粗也是役也成功甚
速簡陋之謂自知不免然以備一方之紀載一代之見聞則不無小
補因喜而爲之序

中華民國十五年歲次丙寅菊月知霞浦縣事閩縣郭 榮撰

序

霞浦縣治舊爲長溪縣爲福寧州爲福寧府幾經變易至雍正十二
年乃定名霞浦而縣治以立乾隆二十七年曾修府志然中合五縣
求其本縣專志則自昔無有其中有既議而未行者有行之而未成
者有將成而未竟者設局及十年糜費不貲而志書究未可得趨時
豪俊努力新猷事存古之儒亦以少懈矣余受事逾月邑紳以余
尙不厭舊以是爲請是時縣事軍差匪警百務煩集誠不暇及顧念
諸君子雅具苦心繼續至此老成未謝卷帙猶存及此弗圖將有文
獻無徵之懼適名孝廉徐君澹士余以同寅之誼邇之來遊遂聘以
爲總纂使之彙群才於一室而董其成於是散者集之說者正之闕
者補之蕪者芟之複者併之草創者潤色之凡兩閱月而故事焉夫
黨化高張之世而有存古之舉未爲曠時然政治雖復日新而數千

霞浦縣志

序

年來之文物聲名固已各成一代之治而燦然於人之心目此當重
爲實惜者豈以僻在海濱而忽之歟且昔之所尙而爲今之所薄又
烏知今之所薄不更爲異時之所尙是役也殆亦抱殘守缺之遺意
乎是爲序

中華民國十六年歲次丁卯霞浦縣縣長劉以威撰

序

夫合衆人之力累年而勤一事幾幾欲成又幾幾不可成而忽然以成則不禁爲之大快而一時之親其役者亦莫不拊掌稱快何者失之意中而得之意外則其得愈可樂也霞邑自民國六年奉令修志諸君子汲汲從事蓋十年於茲矣世變日亟人壽幾何於此猶有遷延勢將就廢一邑之掌故平日之勤劬不能不委諸草莽滋足悲也余自投簪歸里耽情山水夙羨是處有小桃源之目而故人劉君幼雪適宰是邑挈行遂欣然以往略事登臨縣長以縣志未就徇邑人之請懇余成書固辭弗獲遂集各稿披閱月餘復與同人聚局參訂兩月餘乃漸就緒分纂計十一人皆宿學廣見彙編計四十冊黃君錫卿十一冊張君星凡十冊陳君子恭九冊餘則一冊或二三冊焉黃君始終在事商訂之力爲多更參以衆見而志稿遂以告成夫成

霞浦縣志

序

三

不成數也事逾十年不成卽廢懼其廢而切其成於是衆志決而衆力齊一篲之覆猶將九仞況於不止一篲哉然稿完而不能刊則志書仍不成又有薛君香亦者既倡於前復繼於後而爲奔走集贊之舉乃嘆有志竟成遲之十年收之一旦非偶然也夫以賢邑宰之儒雅風流諸君子之苦心毅力而使漫遊狂客適會其成功豈非畢生大幸乎爰述顛末而爲滿引一大白

民國十六年歲次丁卯冬前江西信豐縣知事總纂徐友梧撰

正統福寧縣志舊序

志者記也凡邑之建置沿革與夫星野疆域山川道里城池官蹟人物風俗賦稅物產無一不記焉邑之前輩嘗修矣草率一時未及鉅梓流傳未廣鈔錄者又未免魯魚亥豕之訛久而失真元季兵燹泯沒罕傳間有存者又多殘缺文義不可曉憲常以是爲病竊欲修之而年衰力憊僻居一隅以有限之見聞而欲通知一邑之事實抑又難矣故欲爲而中輟者數次然於心有所不忘乃取水樂戊戌所修志稿并掇拾殘編斷簡以己意而增損之輯而成志釐爲五卷名曰福寧志其中缺畧者衆固不足爲全書尙希後之博雅君子廣蒐博採補其疏遺訂其差謬梓以傳之俾後人觀覽山川道里景物出產之富文人學士忠臣孝子之行宛然在目以致其景行之慕磨世礪俗施之無窮豈曰小補之哉正統乙丑五月望日訓導南金鄭憲撰

霞浦縣志

序

四

萬曆福寧州志舊序

余自業諸生卽好觀海內圖經慨然曰嗟乎聖王之政要以裁成輔相周官小史外史之職當亟講矣郡國無志則記載不明何以表次舍而察妖祥知險塞而稽事實官材風土漫漶無徵雖欲爲政不可得也余不佞由戊子賢書已丑釋褐承乏福寧福寧介在山海間周覽歷訪問志乘知已燬於火諸事蕪闕余方蚤夜劬勞未遑今年諸廢稍葺以修志事請諸當道報可開局延州掾紳先生林紹木鄭磐張風南暨鄭春元鄒玉沙任養修事而分命諸生以次編集適游公少洞榮轉湖藩錦旋梓里又加綜覈較昔爲備不佞亦不敢辭僭踰焉既編次釐爲十卷曰輿地曰管轄曰兵衛曰食貨曰歷官曰選舉曰名宦曰人物曰藝文曰雜記取材富麗各有攸屬爰付諸梓而序之曰州在漢最號僻遠晉末中原之士指爲避亂之藪卽有嘯衆

霞浦縣志

序

五

不過山寇旋發旋定國初始建三里之城成化九年改邑爲州轄縣二漸致增設厥後島夷雲擾海警頻仍至嘉靖壬戌而城濠高廣關隘嚴密稱爲巨鎮矣夫兵之設以衛民也兵制詳則民生安乃按舊籍州在勝國時以戶計者二萬一千有奇二百餘年而所存僅四之一何也夫山川形勢不改於前營繕祠宇幾倍於曩人才輩出循良迭見非復當時溫麻之陋而獨戶口弗益豈遷業多抑虜規實甚耶守土者滋大懼焉天有遺警故災害日侵地有遺利故水土日瘠民有失職則農桑日誦三者皆由志士不立上之人無所知其利病以裁成而輔相之也所關顧不重哉余愧謏劣無裨是書然細大畢舉繁穢盡削俾後之吏茲土者有所規撫不詭於正則是書也卽以備國家外史之採取也亦無不可

萬曆癸巳孟冬進士出身奉直大夫知福寧州事古郵史趙欽撰

乾隆福寧府志舊序

周禮小史掌邦國之志自古稱之五方風氣各殊敷施亦異筆之於書俾致治者因時因地各隨其宜以光前修而出治道典綦重哉閩自無諸啓宇至唐李成公常觀察來蒞斯土振興教育聲名文物擬於中州福寧溫麻舊地晉太康中因船名邑或列爲縣或置爲州隸於三山者代不絕書我朝定鼎初仍其舊雍正十二年前制府郝公奏陞爲府復以霞浦地分設福鼎並割壽寧屬之凡五邑並列十閩乾隆已卯春余來典郡福疆新闢治具未張方督諸令長治城垣修水利勸農桑興教化欲稽考舊蹟取各志乘而披閱之不惟府志闕如卽五縣志亦殘蠹無復存者乃愀然曰嗟乎郡之須志猶家有譜國有史天下之有圖籍也一或不備上之人欲求治而曷以更化下之人欲景賢而奚以觀感我皇上德綏遐荒盡歸版圖靡疆漆齒無

霞浦縣志

序

六

不備載方策以爲出治審人之鑑寧郡負山環海界在東南沐浴聖化百有餘年近者府治新開五縣分隸氣象維新各縣皆百里之寄考之往昔都城無過百雉公侯乃封百里今之令長卽古之列侯任大責重非徒被墨綬佩銅章以相誇耀必能立政善建不敝之業乃足宜德意而昭來許倘典章弗備簡陋因之是自失其權輿而向化從風亦無所爲觀效也毋乃實有所闕以速官謗爰檄五邑令長學博薦紳子矜各修厥志討論舊本撮其精要採訪輿論補其缺畧會萃彙呈余於政事之暇取各縣志稿條分縷晰刪繁正譌未及告成旋調福州復於奔走倥傯中編摩考訂一燈熒熒常至丙夜弗休自庚辰夏迄於壬午秋府志既成縣志亦就因爲弁言而歸之以付梨棗夫古之不能無待於今猶今之不能無待於後一人有千歲之智而無百歲之身況居官如傳舍爲治若操舟而悠悠從事將後之視

今本縣今之觀昔事此予五縣志之作所爲不可緩也至於政典地
合通時宜考古稽今推行盡利能者當自喻之勿使金匱之寶
已

民國二十七年壬午閏五月知縣事府事李 拔讀

序

吾廣浦誌創自有明鄭憲公然因陋就簡閱者皆爲萬曆間鄉先輩
張大光先生起而增輯之亦未見詳且備也清郡守李拔公撰府誌
而附列廣浦縣誌則又未免限于篇幅輒多疏漏自中葉迄今相距
已百餘年縣誌之有待修輯蓋汲汲不容緩矣民國肇興經省議會
議修閱誌省總纂陳衍先生頒凡例到邑乃公推游君學誠爲總纂
余亦忝任監修職顧以地方未靖諸多停頓誌局之設亦日虛一日
遠游君病革竟不獲蒞事而逝此則修誌前途之一大悲觀余正以
告竣無期爲慮忽于丁卯春間邑主劉公以議設置其僚屬徐君友
椿本吾閩之名孝廉食餉就總纂席自是採訪分纂諸君子亦時有
投稿越二年乃告成嗚呼縣誌之成不成於游君而成于徐君數也
亦幸也爰藉喜而叙其顛末如此

民國十八年歲次己巳十一月前署廣浦縣知事監修王邦懷撰

凡例

一 霞浦縣志今存者惟萬歷福寧州志及乾隆福寧府志府志凡例稱州志簡陋而參以福建新舊通志閩書名勝志五縣新舊志其採輯自視前爲詳然五縣合綜及爲之規取本縣則簡陋猶昔今距乾隆修志之年又歷百五十餘年可紀者幾增其大半故本志似因而實創其例亦舍舊而從新

一本志編輯遵用省總局所頒三十八條之志例然因土地關係及紀錄便利間有變通

一 省局志例限至民國五年爲止故採訪僅及是年惟現已民國十六年其事實昭著有關重要者仍予編輯

一 舊府志無大事記而散見於海防詳異外紀各門今彙爲一紀乾隆二十七年後皆據採訪冊續入并及近年仍按年編次略仿綱

霞浦縣志

凡例

目

一 霞邑面海負山爲海防要地舊府志山川門甚略今既列舉而詳紀之復綜述而撰海岸沙線及全縣山脈二篇使有統系可尋并紀其要以盡一縣之形勢至於關隘及海口各爲一表尤便觀覽

一 水利舊志所無今爲之窮源溯流以盡水道并繪圖以明之各鄉之陂塘等悉予條列確磨橋打渡井亦屬焉未附以治河各記以備後之參考

一 名勝凡山水勝觀及前人故事悉列古蹟中經品題及題咏者列入風景末以名人宅墓附焉

一 聖廟及祀典彙誌學校中不入祠祀門爲各縣志所同以示尊聖之意今仍之

一 選舉乾隆時邑人科名顯盛光緒庚辰重刊府志未予續登今據

道光採訪稿補入其疑似者則參考福建通志續通志以校其實又舊府志五頁但憑學籍多非本邑人亦據鼎安寧各縣志校對勾出

一 舊府志無武備而海防兵制各門皆其事實又舊續署案卷及同治年變更兵制奏疏悉加考證以期詳確

一 實業如省例所列之農工商鑛各學校各局廠均所未有而歷來所經營者固有農田森林牧畜及果茶紙礦瓷商等業覽其維業况漁業尤居大宗均予照叙

一 交通首重電報而本縣無之惟有郵務局而已然陸程水程陸運水運亦自可紀

一 藝文登載自以佳者爲主惟舊志所錄亦加選擇其于地方無關者概不闕入

霞浦縣志

凡例

一 列傳省例止有四項餘則各爲專傳而長樂縣志則各項甲乙平列較便編輯今從之

一 列傳分目十二中有沿用舊志者其標目雖不必與省例盡同而實質無異悉按其義類以定編次

一 列傳首循吏亦沿長樂志先客之說舊府志有遺學則從省例統於儒林奸臣亦沿舊例從閩經前志所載者有更正而無剔除其續登者必按其實據而考諸公論以翔傳信

一 列女別爲一傳內分三目賢淑貞烈情節各異必藉傳而明惟節孝一類自明及今有八百七十餘人節操之盛至爲可欽然事實大致相同今通爲一表條列姓氏仍紀其要既覺明瞭尤便編輯

霞浦縣志目錄

卷之首

各圖

卷之一

縣界表

卷之二

緯候表

卷之三

大事志

卷之四

山川志

卷之五

霞浦縣志

目錄

水利志

卷之六

城市志

卷之七

建築志

卷之八

名勝志

卷之九

戶口志

卷之十

賦稅志

卷十一

物產志

卷十二

度支志

卷十三

職官志

卷十四

學校志

卷十五

選舉志

卷十六

警察志

卷十七

霞浦縣志

目錄

武備志

卷十八

實業志

卷十九

交通志

卷二十

司法志

卷二十一

外交志

卷二十二

禮俗志

卷二十三

張鼎鐘

陳善臣

黃金爵

朱彥瀛

黃金爵

王士璣

黃金爵

陳善臣

全上

王登輝

朱彥瀛

何繼英

惠政志

卷二十四

祠祀志

卷二十五

藝文志

藝文志 上 藝文志 下 藝文志 中 藝文志 末

卷二十六

金石志

卷二十七

循吏

列傳一

卷二十八

官哲

列傳二

卷二十九

霞浦縣志

武功

列傳三

卷三十

儒林

列傳四

卷三十一

文苑

列傳五

卷三十二

忠義

列傳六

卷三十三

孝友

列傳七

卷三十四

義行

列傳八

卷三十五

全上

陳善臣

張耀璇

章實華

黃金爵

黃金爵

全上

全上

全上

全上

全上

張耀璇

隱逸

列傳九

卷三十六

流寓

列傳十

卷三十七

方技

列傳十一

卷三十八

方外

列傳十二

卷三十九

列女傳

列傳十三

卷四十

雜錄

霞浦縣志

武功

列傳三

卷三十

儒林

列傳四

卷三十一

文苑

列傳五

卷三十二

忠義

列傳六

卷三十三

孝友

列傳七

卷三十四

義行

列傳八

卷三十五

陳善臣

張耀璇

章實華

黃金爵

黃金爵

黃金爵

全上

全上

全上

全上

全上

張耀璇

督修

前霞浦縣知事羅汝澤

前霞浦縣知事郭 竿

現任霞浦知事劉以臧

協修

王邦懷

總纂

徐友梧

分纂

黃金爵 張耀璇 陳善臣 何繼英 朱彥瀛 巫紹經

章寶華 王士瓊 薛蘭猗 王登墀 張鼎鐘

繪圖

霞浦縣志 職員

徐登陸 張邦經

勸事員

許錫琛 鄭開賢 薛蘭猗 郭經畬 章寶華 邱善元

陳文如 胡坤成

校對

張耀璇 陳寶齡 王登墀 黃玉鐘

採訪員


陳子駒 謝祖培 郭經畬 謝宸恩 林 璇 張 駿

葉嘉亨 葉嘉貞 林 驥 卓乾裕 張彥福 張鴻嘉

陳學仲 郭作珍 黃承恩 盧守用 王文彬 張邦紀

嚴恭之 鄭介福 張耀藻 林紹聰 林鴻藻 盧應庚

陳士珍 陳文如 陳咏裳 陳繼徽 何國鼎 張 帷



山海經云閩在海中註云閩越即西甌地有謂閩非甌者未深考耳縣治在閩頭浙尾東西甌之界亦禹貢揚州之屬夏少康封庶子無餘於會稽南至海此其封內也無餘傳至無疆楚滅之秦滅楚置閩中郡七世孫無諸從諸侯滅秦又率越人佐漢擊楚高帝五年立無諸爲閩越王都冶今福州府治其後甌越治兵相攻元封元年徙閩而墟之始元二年始自立爲冶縣屬會稽郡建武三年改治縣爲侯官縣晉太康三年始析侯官置溫麻縣屬晉安郡以溫麻縣屬晉安郡元康元年屬江州今江蘇南宋泰始四年屬晉平郡陳友定初屬閩州隋開皇九年廢溫麻縣入原豐縣今江蘇唐武德六年以溫麻廢縣置長溪縣屬泉州今福建都督王義童移長溪縣治於連江改名連江縣此地爲甌越鎮嗣聖十九年復置長溪縣而連江自爲縣如故開元十三年始改開閩州爲福州長溪屬之開成中析縣寧川地爲威德場五代爲閩

霞浦縣志

疆界沿革表

五

王龍啟初升威德場爲寧德縣閩亡又屬吳越宋咸平三年析甯德關隸鎮爲關隸縣今霞浦元豐四年析長溪永樂鄉二里置霍鄉三里爲福安縣元至元二十三年升長溪縣爲福寧州領二縣屬福州路至正二十六年乙巳陳友定竊據明洪武元年戊申州人袁天祿以福寧州歸附二年改爲福寧縣景泰六年析福安地置壽寧縣成化九年仍爲州直隸領福安寧德二縣清初仍明之舊康熙二年升福寧州爲福寧府乾隆四年析霞邑之望海育仁廉江迤香四里爲福鼎縣民國二年廢府仍爲縣

今按諸志溫麻之地西南盡寧德連江及羅源之半西北盡福安壽寧政和之半兼總七縣合而一之故當時溫麻疆域最大其後爲長溪亦大第境土夾於福州建州之間故南析連江羅源入於福北析政和壽寧入於建又析置福安寧德來屬及乎置府又割壽寧台前

福安寧德同爲附郭縣迨清中葉析霞浦而二之曰福鼎則是郡所屬爲五縣矣霞浦之幅員至是始小今將合縣所轄四至八到及面積之縱橫如左

東至梅花鄉以外之青嶼爲界與鼎接

西至官嶺以福安之柳溪爲界

南至東冲口

北至占嶺爲三縣交界處占嶺下一沙地四百多步

東南至東海以外之台灣海爲界與台灣接

西南至虎嶼港水線與福安白馬門口爲界

東北至長岐善坑等鄉與福鼎之官洋杜家村爲界

西北至陸家庄蒲洋等鄉與福安之上白石爲界

縱自占嶺下起至東冲外之水洋止計四百零五里

霞浦縣志

疆界沿革表

六

橫自官嶺起至梅花鄉外之小嶺山止計二百二十里
自縣治至福州計五百四里至北京計二千七百里

由城東到福鼎界七十里

西到福安界四十里

南到海一百里


北到福鼎界一百二十里


東南到海七十里

西南到福安界五十里

東北到福鼎界一百里

西北到福安界六十里





霞浦縣志卷之二

緯候表

星野占驗其說舊矣援引星經旁摭曆學汎濫靡實究奚取焉惟明天文志福建當北極出地二十六度測以西法全省既二十六度閩侯當在二十五度今霞浦在閩侯北以緯言當在二十六度之五十二分而經當在東偏之三度四十三分也寒暑氣候卽以二至日分晝夜時刻而遞推之可以見矣至溫冷之緯度城郊與鄉野不同高山與近水尤異是又非可以概論也彙緯候表

霞浦縣志

緯候表


縣治經緯度及二至日出晝夜長短表

經度		緯度		夏至		冬至	
東經	三度四十三分	北緯	二十六度五十二分	日出	上午六時五十分五十六秒	日出	下午五時九分四秒
晝長	十三時四十一分五十二秒	夜長	十時一十八分八秒	日出	上午五時九分四秒	日出	下午六時五十分五十六秒
晝長	十三時四十一分五十二秒	夜長	十時一十八分八秒	日出	上午五時九分四秒	日出	下午六時五十分五十六秒
晝長	十三時四十一分五十二秒	夜長	十時一十八分八秒	日出	上午五時九分四秒	日出	下午六時五十分五十六秒

霞浦縣志

緯候表

氣候圖



第一層最高溫度
第二層最低溫度
第三層各日平均溫度